

**CYFARFOD COMISIWN FFINIAU LLYWODRAETH LEOL I GYMRU A  
GYNHALIWDYD AR 24 IONAWR 2007 YN NHŶ CARADOG, CAERDYDD**

Comisiynwyr

Mrs S G Smith (Cadeirydd)  
Mr D H Roberts (Aelod)  
Y Parch. H M Davies (Aelod)

Ysgrifenyddiaeth

Mr E H Lewis (Ysgrifennydd)  
Mr S R Halsall  
Mr D Carr  
Mrs L Brough

Croesawodd y Cadeirydd y Parch. Davies i'r cyfarfod a'i longyfarch ar ei benodi'n aelod o'r Comisiwn.

Estynnodd y Comisiwn hefyd longyfarchiadau i Mr J E Davies ar dderbyn OBE yn ddiweddar.

**1. DATGANIAD BUDDIANNAU**

1.1 Ni ddatganwyd unrhyw fuddiannau newydd. **Cytunwyd** y byddai'r ysgrifenyddiaeth yn anfon ffurflen datganiad at yr aelod newydd.

**2. ETHOL DIRPRWY GADEIRYDD**

2.1 Enwebodd y Cadeirydd Mr Roberts yn Ddirprwy Gadeirydd newydd, ac eiliwyd hyn gan y Parch. Davies. **Cytunwyd** mai Mr Roberts fyddai'r Dirprwy Gadeirydd newydd a Chadeirydd Pwyllgor Archwilio'r Comisiwn.

**3. COFNODION CYFARFOD Y COMISIWN A GYNHALIWDYD AR 11 RHAGFYR 2006**

3.1 Cytunwyd â'r rhain yn amodol ar wnaed mân newidiadau. **Cytunwyd** y byddai'r Cadeirydd yn cael ffurf ddrafft o'r cofnodion i'w gwirio ar ôl pob cyfarfod.

**4. MATERION YN CODI**

**Materion Merlin**

4.1.1 Rhoddodd yr Ysgrifennydd ar wybod ei fod wedi cael cynnig gan y Cynulliad i gynnwys darpariaeth diogelwch TG yn y Datganiad Rheoli Memorandwm Ariannol (DRhMA). Byddai hyn yn cynnwys gwiriadau diogelwch lefel isel o staff sy'n cael eu cyflogi'n uniongyrchol gan y Comisiwn. Roedd yr Ysgrifennydd eisoes wedi cael eglurhad o'r camau y byddai angen i'r Comisiwn eu cymryd er mwyn cydymffurfio â'r ddarpariaeth hon.

4.1.2 Dywedwyd bod mater y ceblau heb ei benderfynu o hyd a hefyd nad oedd y Comisiwn ond yn cael ystadegau gwefan ysbeidiol gan y Cynulliad. Nododd y Comisiwn y sefyllfa.

**Rhan Gyfoes y Cynghorwr**

4.2.1 Rhoddwyd ar wybod nad oedd yr ymchwil yn debygol o gael ei chyhoeddi tan fis Mawrth 2007.

## **5. CYNNYDD AROLYGON**

- 5.1 Nododd y Comisiwn gynnydd yr Arolygon hynny a oedd yn digwydd ar hyn o bryd. Nodasant hefyd yr awdurdodau a oedd wedi rhoi gwybod i'r Comisiwn eu bod yn bwriadu cynnal arolygon cymunedol. Mynegodd y Cadeirydd bryder y gallai amseru rhai o'r arolygon a fwriedir effeithio ar waith yr arolwg etholiadol arfaethedig. Roeddent o'r farn y gallai fod angen i'r Comisiwn monitro cynnydd y Cynghorau hynny a oedd yn bwriadu cynnal Arolygon Cymunedol ac addasu amserlen arolygiad etholiadol y Comisiwn i gytuno â hyn. Dywedodd yr Ysgrifennydd ei fod wedi rhoi gwybod i'r Cynulliad Cenedlaethol am y sefyllfa, sef na fyddai rhai o'r arolygon cymunedol, o bosibl, yn gyflawn erbyn dechrau'r adolwg etholiadol. **Cytunwyd** y byddai'r Comisiwn yn codi mater cyfarwyddiadau arolygon etholiadol yn eu cyfarfod gyda'r Gweinidog Llywodraeth Leol ym mis Medi.
- 5.2 Rhoddodd yr Ysgrifennydd wybod i'r Comisiynwyr ei fod wedi ysgrifennu at Gyngor Bwrdeistref Sirol Pen-y-bont ar Ogwr i godi mater arolygon cymunedol a'i fod yn disgwyl cyfarfod â swyddogion Cyngor Bwrdeistref Sirol Bro Morgannwg. Disgwylid cyhoeddi Cynigion Drafft Wrecsam ym mis Chwefror.

## **6. ADRODDIAD CYLLID – TRYDYDD CHWARTER 2006/07**

- 6.1 Nododd y Comisiwn yr amcangyfrif o'r gorwario yn y gyllideb ar gyfer 2006/07. **Cytunwyd** y byddai'n briodol ildio'r swm o £40,000 yn ôl i'r Cynulliad Cenedlaethol.

## **7. DATGANIADAU RHEOLI A MEMORANDWM ARIANNOL (DRhMA)**

- 7.1 Dywedodd yr Ysgrifennydd ei fod wedi codi mater y cyfyngiadau a osodwyd ar drosglwyddo arian rhwng cyllidebau gyda'r Ysgrifennydd Parhaol, a oedd wedi cytuno na ddylid cynnwys y rhain yn y DRhMA a'i fod wedi dweud wrth swyddog cydymffurfio'r Cynulliad i'w dileu. Serch hynny, roedd rhai materion heb eu datrys o hyd, fel y cyfyngiadau a osodwyd ar gyflogi staff. Bydd angen i'r Cynulliad gytuno i'r DRhMA yn ystod cyfnod y Gweinidog Llywodraeth Leol presennol.
- 7.2 **Cytunwyd** y byddai'r Ysgrifennydd yn codi'r materion hyn sydd dros ben gyda'r adran noddi ac yn rhoi gwybod iddi y bydd angen mynd i'r afael â hwy cyn i'r Comisiwn lofnodi'r DRhMA. **Cytunwyd**, pe na byddai'r adran nawdd yn gallu gweithredu gofynion y Comisiwn, y byddai'n angenrheidiol i'r Cadeirydd godi'r mater gyda Gweinidog Llywodraeth Leol y Cynulliad.

## **8. DARPARU DELWEDD GORFFORAETHOL**

- 8.1 Rhoddodd yr Ysgrifennydd ar wybod nad oedd wedi cael y wybodaeth angenrheidiol, ac o'r herwydd rhoddir yr eitem hon ar yr agenda ar gyfer cyfarfod nesaf y Comisiwn.
- 8.2 Ystyriodd y Comisiwn y posibilrwydd y gallai fabwysiadu enw newydd am fod enw llawn y Comisiwn yn drwsgl at ddibenion delwedd gorfforaethol. Nodwyd, serch hynny, fod enw'r Comisiwn wedi ei bennu yn y ddeddfwriaeth. **Cytunwyd** y byddid yn ceisio cyngor cyfreithiol ar y mater hwn.

**9. CYNLLUN GWEITHREDOL 2007/2008**

- 9.1 Ystyriodd y Comisiwn ffurf ddrafft y cynllun gweithredol. Cytunwyd â'r cynllun yn amodol ar wneud rhai newidiadau.

**10. PWYLLGORAU AR SAFONAU MEWN BYWYD CYHOEDDUS - ADRODDIAD YR UNFED YMHOLIAD AR DDEG**

- 10.1 Nododd y Comisiwn argymhelliad yr adroddiad y dylai'r Comisiynau Ffiniau Seneddol a Llywodraeth Leol gael ysgrifenyddiaethau ar y cyd, ond roedd hyn ar yr amod y byddai'r cynnig yn dderbyniol i'r Llywodraeth. Ymddangosai'n debygol y byddai gofyn yn awr am ffurfioli trefniadau ar gyfer ysgrifenyddiaeth ar y cyd. **Cytunwyd** y byddai CFFLILG yn gofyn am i'r mater hwn gael ei gynnwys yn yr agenda ar gyfer y cyfarfod rhwng y comisiynau a oedd i'w gynnal ym mis Mawrth. **Cytunwyd** y byddai'r ysgrifenyddiaeth yn dechrau llunio dogfen ddrafft yn amlinellu'r strwythur a ddymunir i'r ysgrifenyddiaeth ar y cyd ar sail profiad blaenorol.
- 10.2 Credai'r Comisiwn y byddai'n bwysig sicrhau bod cyfrifoldeb dros siroedd a gedwir yng Nghymru yn aros gyda'r Cynulliad. **Cytunwyd** y byddai'r Ysgrifennydd yn anfon ymlaen nodyn briffio ar y siroedd a gedwir at y Parch. Davies.

**11. UNRHYW FATER ARALL**

- 11.1 Dywedwyd y byddai'r cyfarfod rhwng y Comisiynau'n digwydd yng Nghaeredin ddechrau mis Mawrth 2007. **Cytunwyd** y byddai'r Ysgrifennydd yn rhoi gwybod i'r aelodau am ddyddiad y cyfarfod cyn gynted ag y bydd yn hysbys.

**12. DYDDIAD Y CYFARFOD NESAF**

- 12.1 **Cytunwyd** cynnal y cyfarfod nesaf ar 1 Mawrth 2007, ond roedd modd newid y dyddiad hwn os na fyddai'n cydfynd â dyddiad y cyfarfod rhwng y comisiynau.